

1928

رنجی جلد

0534
tehran
T. K.


فہرست بیلسی مجموعہ سی

فہرست بیلسی درنکی عمومی مرکزی طرفندہ نشر اولونور

مدیری :

ضیاء الدینہ فخری

خلق بیلسی درنکی کاتب عمومیس



آنقرہ

1928

HALK BİLGİSİ VE İÇTİMGİ TERBİYE

تورك منورلری ، هرملتدن زیاده خلقی سهومك مجبوریتده در . بو ، هرشیدن اول بر ناموس بورجی در . قانونی دورندن بری ، تورك منورلری و اداره جیلری ؛ مملکتی تخریب ایتک ایچون بوتون ذکا و شییطنتلرینی قوللاندقلری حالده تورك خلقنك بیتمز توکنمز عزمی ، جسارتی و اییلکی تورك وطنی قورتارمشدر . تورك پادشاهلرینك ومنورلرینك خلق ایله صمیمی یشادقلری دورلر، تورك وطنك کیفیت اعتباریله الكپارلاق دورلرینی تشکیل ایدر. تاریخمزدکی بویوکلکلری، ایشته بو، کیفیت کوزه لکنه وقوتنه بورجلی یز ، اوج یوز سنه دن بری تورك منورلری، اداره جیلری و دیندارلری ؛ بر ملتك بقا و دوام مفهومیله تألیفی قابل اولیان نه قدر فنالقلر وارسه هپسینی ایشله مشلدر. تورك خلقی ایسه منحصرأ اخلاقنك تمیزلکندن وسجیه سنك متانت و قدرتندن قوت آلارق بوفنالقلری تعمیر ایتمش وجهه، جهه دولاشه رق سیل کی تمیزقانلرینی آقیتمشدر. بونکله برابر منور طبقه ، صوك بویوکل انقلابه قدر تورك کویلیسینی و تورك خلقی سهومه مش وحتی سهومك لزومنی بیله حس ایتمه مشدی .

یکی انقلابده وضعیت تماماً ده کیشمشدر . «مملکتک افندیسی ، کویلی در، شعاری ، بزه یپیکی بریول آچمشدر . بویول، بزه فانیلکی ده کیل، ابدیلکی وسعادتی کوستریبور. خلقچی اولق ، خلقی سهومك در . خلقی سهومك ، خلقی آکلامقله اولور . ماهیتی بیلنمین شی ، آنجق غیر شعوری و نظری بر صورتده سهویله بیلیر . بناء علیه بزه ترتب ایدن وظیفه، خلقی، سوزله ده کیل، خلقه هر تورلو یاردیمده بولنه رق ، اونی یوکسلته رك سهودیکمزی بالفعل کوسترمك در .

خلق یوکسلتمك ایچون باشلیجه واسطه لر؛ خلقک احتیاجلرینی کیده رمك، استحصال قدرتی چوغالتمق و اجتماعی تربیه سنی ایلاشدیرمك ، بالخاصه خلقی و خلقک یاورولرینی یشانه جق تدبیرلر آلمق و نهایت خلقی، استعدادلری درجه سنده یوکسلکره چیقارتمق در . مملکتهمزده هیچ بر استعداد ، باقیمسز قاله ملی در . هراستعداده ؛ اوك الك اوست قاتنه طیرمانه جق مردیوه نلر قورملی یز. فردلرک استعدادلرینه الك موافق فعالیت ساحه سی ویرن ملتلر ، ملتک قوتلرینی الك ای برطرزده ایشلده نلر در . ایشته بویول ، حقیقی خلقچیلغه دوضرو کیده ن یولدر .

تربیه علمی بزه شونی او کره تیور : چو جوقلرک روحلرینه و طبیعتلرینه او یغون کلن تربیه الک ایی تربیه در . انسانلر ، الک ایی اولارق ، روحی تکامل و استعدادلرینه کوره یئتشدیر یله بیلر . خلق تربیه سنده ده بوقاعده بی تطبیق ایتمک ضروری در . خلقه تأثیر ایتمک ایچون ، خاتمک استعدادلرینی ، تمایللرینی بیلعلی در . خلق ، یالکیز چالیشان و چالشدیریلان بر کتله ده کیلدر . اونک ده کنندینه کوره حظ و الماری ، اونک ده اییلکه و حیاته عائد فلسفی تلقیلری وارد در . چوق دفعه خلقک حظ و الماری ، بز شهر لیلردن ده اییجه ودها چوق صمیمی در . مثلاً :

آتش اولدم کولم یوق	کوک یوزی ماوی قالدی
بلبل اولدم کلم یوق .	قوش اوچدی یورو قالدی
بن یاردن دور اولالی	آناختار یار قوینونده
آه ایتمه دک کونم یوق	کوکلم کلیدلی قالدی

شعری ، ساخته لکی اولیان نه کوزل و صمیمی برألمک ترجانی در .

کویلو ، عمومیتله ، جعلی حرکتلردن و غیر صمیمی شعرلردن خوشلانماز . هر شیشک و حتی شخصلرک ده صمیمیسی ، کویلو ده و خلقده مؤثر در . کویلو ، خاطر ایچون کنندیسیله اوغراشانی ، جاندن اوغراشاندن قولایقله تفریق ایدر . کویلو یه کنندینی سه و دیرن بر شخصیت ، کویه و خلقه هر شیشی یاپدیره بیلر . ایی انسانلره قارشى قوزو کبی مطیع اولان خلق ، فنا آدملره قارشى صیرا سنده نامغلوب بر قهرمان کسیلر . «فرمان پادشاهک ، داغلر بزم در ، سوزینی صرف ایدن بر خلق ، هم جسور و هم ده فناقلره کور کورینه مغلوب اولیه جق درجه ده سجیه لی در .

بویله بر خلق ایله هر شی یایمق نمکندر . نته کیم هر شی یاپیلدیغنی استقلال حربی بوتون وضوح و صراحتیه اثبات ایتمشدر . یترکه استقلال حربنده جانلانا و یشایان روح تمادی ایتدیرلمش بولونسون . استقلال مجادله سنده منور طبقه ایله خلق و کویلی طبقه سی تاریخی صمیمیتی نهایت بوله بیلمشدی . منورلر ، کویلو یه خطاب ایدر کن جاندن خطاب ایدیورلردی . قلبدن کلن سسلرک تأثیر ساحه سی دماغ ده کیل ، ینه قلب در . کویلو قادینلرینه اوموزلرنده کولله طاشیرتان سائق ؛ ایشته بوتورک و طنداشلرینک تورک وطنی قورقارمق مفکوره سنه تک بر قلب ایله باغلی اولملری ایدی .

خلق بیلکیمی درنکی ، کنیش پروغرامیله ، خلقی او کره نمک و بزه او کره تمک غایه سنی استهداف ایدیور . خلق بیلکیمی درنکنک طبیعی عضولری ، بالخاصه معلملردر . معلملر ، بولونقلری

یرلرک و برابر یشادقلری خلقک خصوصیتلرینی تدقیق ایدرلرسه، درنکک چوق شمولی و کوچ اولان وظیفهسی، بش اون سنه ظرفنده ایجه قولایلاشیر.

اساساً یکی تورکیاده، اجتماعی انقلابمیزک الک طبیعی مرشدلری معلملر اولاجقدر، معلملر، یالکیز بولوندقلری یرک چوقوقلرینی یتشدیرمک ده کیل، خلقک روحنی ده مناسب وسیله لرله ایشله مک وظیفه سیله مکلف درلر. خلق ایله یقندن تماس ایتک و خلق اوزرنده مؤثر اولمق اوزره ده کنیش و بارزیر پروغرامله صحنه یه آتیلیمسی ایجاب ایدن تشکیلاتلردن بری، تورک اوجاقلری در. مملکتک هر طرفه یاپیلیمش بولونان تورک اوجاقلرینک الک مهم وظیفه لرندن برینی خلقجیلغک ایشته بو عملی قسمی تشکیل ایتلی در.

صوکره بلدیله لرک و شهر امینلکک لرینک، خلق تربیه سی نقطه نظرندن یاپه جق پک چوق ایشلری وارد در. ایشته، بر طرفدن دولت و دیگر طرفدن خصوصی تشکیلاتلر مختلف نقطه لرندن چالیشهرق خلق اوزرنده مؤثر اولمغه و خلقی اویاندیرمغه چالیشیرلرسه آنجق اوزمان اجتماعی انقلاب، تام معناسیله، کوکلرینی طوپراغه صالمش صاییلیر.

باش انقلابچیلر مز، یارینک آدملری در. بز، دونک انسانلری اولمقدن بر تورلو قورتولامیورز. حالبوکه انقلاب منور کتله دن - حقلی اولارق - یارینک آدملری اولمقی طلب ایدبیور. بو کونکی پروغرامسز بوجالامه لر، و «سوزده خلقجیلق» لر ایشته هب بو «دونک آدمی اولمقدن قورتولامه مق» بلاسی در.

D. R. HALİL FİKRET

⊕	HALK BİLGİSİ VE MİLLÎ BİRLİK	⊕
---	------------------------------	---

عصرک بشری مفکوره لری آراسنده ملی و انسانی اولانلرک بربرینه نه قدار صیقی بر صورتده باغلی اولدینی آشکاردر. برزمانلر ایچون خیال اولان انسانیت، بو کون مختلف تظاهرلریله کندیسنی کوسترن و آدیم آدیم یوروین بردوشونجه در. جامعه حیاتنک الک کنیش وقاریشیق شکلی اولان ملیت، عصر مزده، بودوشونجه یه کیدن یولک کچیمسی لازم برکچیدیر. بوکچیده درکه جمعیتلر، بئلکک لرینی بولویورلر و ملیتک عدسه سی ایچندن انسانیتی ایجه کورمه آلیشیورلر. برقسم ملتلر بر ایکی عصردن بری بوکچید اوزرنده درلر. بوتون کوجلرینی، ملی وارلقلرینی یوغورمغه چالیشمقده درلر. عاداتا